



**Resumaziun dil protocol
dalla radunonza communal
dils 16 da fevrer 2018, 20.00, en casa da scola (halla)**

Tractandas

1. Beinvegni ed elecziun dils dumbravuschs
2. Approbaziun dalla gliesta da tractandas
3. Approbaziun dil protocol dalla radunonza communal dils 15-12-2017
4. Zona da baghegiar "Claus"
 - a) Presentaziun dil project e plan da formaziun
 - b) Damonda da credit
 - c) Presentaziun ed approbaziun dil reglament per la vendita da parcelas
5. Lescha davart il dretg da burgheis, presentaziun ed approbaziun
6. Casa da scola Prada, damonda da credit per la planisaziun
7. Revisiun parziala dalla planisaziun locala Seglias, informaziuns
8. Orientaziuns
9. Varia

1. Beinvegni ed elecziun dils dumbravuschs

Il president communal Bruno Wellinger fa in cordial beinvegni a 50 votantas e votants. Sco dumbravuschs vegnan proponi *Tamara Holderegger* e *Theo Peng*.

Decisiun: La radunonza communal elegia unanim ils dus proponi sco dumbravuschs.

2. Approbaziun dalla gliesta da tractandas

Decisiun: La radunonza communal approbescha unanim la gliesta da tractandas.

3. Approbaziun dil protocol dalla radunonza communal dils 15 da december 2017

Decisiun: La radunonza communal approbescha unanim il protocol dalla davosa radunonza communal.

4. Zona da baghegiar "Claus"

a) Presentaziun dil project e plan da formaziun

Il president communal Bruno Wellinger ed il planisader Robert Albertin dil biro d'architectura Albertin partenari SA, Cuera presentan la fatschenta.

b) Damonda da credit

Roman Holderegger presenta la fatschenta. La summa per l'avertura dalla zona da baghegiar "Claus" munta a frs. 600'000 (planisaziun, cussegliaziun etc. frs. 55'000, via da quartier incl. aua da meteor frs. 305'000, providiment d'aua frs. 75'000, canalisaziun frs. 125'000, illuminaziun publica frs. 30'000 e divers cuosts da frs. 10'000)

Decisiun: La radunonza communal conceda il credit brut da frs. 600'000 per l'avertura dalla zona da baghegiar "Claus".

c) Presentaziun ed approbaziun dil reglament per la vendita da parcelas

Roman Holderegger presenta la fatschenta.

Decisiun: La radunonza communal approbescha il reglament per la vendita da parcellas ella zona da baghegiar "Claus".

5. Lescha davart il dretg da burgheis, presentaziun ed approbaziun

Andrea Montalta-Kluser presenta la fatschenta.

Decisiun: La radunonza communal approbescha unanim la lescha davart il dretg da burgheis e metta ella en vigur retroactiv igl 1. da schaner 2018.

6. Casa da scola Prada, damonda credit per la planisaziun

Walter Cadosch presenta la fatschenta.

Decisiun: La radunonza communal conceda unanim il credit brut da frs. 70'000 per la planisaziun.

7. Revisiun parziala dalla planisaziun locala Seglias, informaziuns

Kurt Vieli dil biro Cavigelli SA, Glion informescha pertuccont la revisiun parziala dalla planisaziun locala Seglias. Negin conclus, cun quei ch'igl ei stau ina tractanda per informaziun.

8. Orientaziuns

- **Plazza da giug Mulinas**
- **Sviament H19**
- **Visada dalla piazza da lavur (Véronique Casanova)**
- **Demissiun suprazonza communal (Roman Holderegger)**
- **Giubileum da lavur da 25 onns (Rinaldo Lisignoli)**

9. Varia

Il president communal Bruno Wellinger dat vinavon duas ulteriuras informaziuns. Negin convischin giavischa il plaid.

Finiziun dalla radunonza: allas 22.00

Schluein, ils 16 da fevrer 2018

PER LA RADUNONZA COMMUNALA SCHLUEIN

Il president:

Il scarvon:

Bruno Wellinger

Marco Tschuor